

# ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНинг ҚАРОРИ

## КОРОНАВИРУС ИНФЕКЦИЯСИ ТАРҶАЛИШИГА ҚАРШИ ҚЎШИМЧА ЧОРА- ТАДБИРЛАР ТЎҒРИСИДА

Ўзбекистон Республикасида аҳолининг санитария-эпидемиологик осойишталиги ва хавфсизлигини таъминлаш, коронавирус инфекцияси тарқалишининг олдини олишда мутасадди давлат ва хўжалик бошқаруви органлари ҳамда ташкилотларнинг мувофиқлаштирилган фаолиятини ташкил этиш, фуқароларнинг ҳаёти ва соғлигини муҳофаза қилиш мақсадида Вазирлар Маҳкамаси қарор қилади:

1. Ўзбекистон Республикаси Президентининг 2020 йил 29 январдаги Ф-5537-сон **фармойиши** билан ташкил этилган Ўзбекистон Республикасига коронавируснинг кириб келиши ва тарқалишининг олдини олиш бўйича чора-тадбирлар дастурини тайёрлаш бўйича республика маҳсус комиссияси (кейинги ўринларда — Комиссия) қарорларига мувофиқ:

дунёning барча давлатлари билан Ўзбекистон Республикаси ўртасида муентазам авиақатновлар тўхтатилганлиги;

хорижий давлатлар фуқаролари ва фуқаролиги бўлмаган шахсларни, (республикада доимий истиқомат қилувчи фуқаролиги бўлмаган шахслар бундан мустасно), шунингдек, йўловчи ташувчи транспорт воситаларини (автобус, енгил автотранспорт ва темир йўл транспорти воситалари) Ўзбекистон Республикаси худудига барча чегара ўтказиш пунктлари орқали кириб келиши тўхтатилганлиги;

Ўзбекистон Республикаси худудига кириб келаётган шахсларни 14 қун давомида маҳсус ажратилган тиббиёт муассасаси ёки карантин тадбирларини ташкил этишга мослаштирилган базалар ёхуд уй шароитида карантинга олиш талаби белгиланганлиги;

Ўзбекистон Республикаси худудида барча кўнгилочар обьектлар, шу жумладан тунги клублар, дискотека, ресторон, кафе, ошхона, чойхона, спа ва массаж салонлар, караоке, бильярд заллари, чилим (кальян) марказлари ва компьютер ўйинлари хизматини кўрсатувчи тадбиркорлик фаолияти тўхтатилганлиги;

Ўзбекистон Республикаси худудида барча турдаги оммавий тадбирлар, шу жумладан байрам тадбирлари, халқаро тадбирлар ва спорт мусобақалари, шунингдек, театр, кино ва концерт дастурлари ҳамда тўйлар, оиласий тантаналар, маърака ва маросимлар ўтказилиши (дағн маросимлари 10 — 15 кишидан кўп бўлмаган ҳоллар бундан мустасно) тўхтатилганлиги;

давлат олий таълим муассасаларида, умумий ўрта, ўрта маҳсус, мактабдан ташқари ва мактабгача таълим муассасаларида ҳамда барча нодавлат таълим ташкилотларида таълим жараёнлари тўхтатилганлиги ва коронавирус инфекцияси тарқалишининг олдини олишга қаратилган бошқа бир қатор чоралар кўрилганлиги маълумот учун қабул қилинсин.

2. Ўзбекистон Республикаси худудида 2020 йил 24 март соат 00.01 дан бошлаб қўйидагиларни назарда тутувчи коронавирус инфекцияси тарқалишига қарши кучайтирилган тартиб (кейинги ўринларда — Тартиб) жорий этилсин:

коронавирус инфекцияси асосан Тошкент шаҳри ҳудудида аниқланганлигини инобатга олиб ва ушбу инфекция республиканинг бошқа ҳудудларига тарқалишининг олдини олиш мақсадида бошқа ҳудудлардан Тошкент шаҳрига кириш (автобус, микроавтобус, енгил автотранспорт, авиақатновлар ва темир йўл транспорти воситалари орқали) тўхтатилади, бундан ушбу банднинг **учинчи хатбошисида** назарда тутилган ҳоллар мустасно;

Тошкент шаҳрида доимий рўйхатдан ўтган шахслар, шунингдек, Тошкент вилоятида доимий рўйхатдан ўтган ҳолда Тошкент шаҳрида меҳнат (хизмат) фаолиятини амалга ошираётган давлат органлари ва муассасалари (нодавлат ташкилотларида — иш берувчи томонидан тақдим этиладиган тегишли рухсатнома асосида) ходимлари ҳамда юк ташиш билан боғлиқ ҳолларда Тошкент шаҳрига кириш ва чиқишга рухсат берилади;

Тошкент шаҳрига кирувчи ва чиқувчи шахсларда коронавирус инфекцияси аломатларини аниқлаш бўйича мажбурий тиббий назорат ўрнатилади;

биринчи босқичда Тошкент шаҳрида, кейинчалик босқичма-босқич Нукус шаҳри, вилоят ва туман марказларида жойлашган барча йирик дехқон бозорлари ва савдо мажмуалари (супермаркет, гипермаркет ва бошқалар) кириш-чиқиш жойларини тегишли мутахассислар билан таъминлаган ҳолда тепловизорлар ва антисептик воситалар билан жиҳозланади;

республика худудига хорижий давлатлардан, шунингдек, Тошкент шаҳрига бошқа худудлардан кириб келаётган барча транспорт воситалари, товар ва юкларнинг мажбурий равишда дезинфекция қилиниши таъминланади;

давлат идоралари ва ташкилотларида фуқаролар ва тадбиркорлик субъектлари вакилларини қабул қилиш ҳамда уларга давлат ва бошқа хизматларни кўрсатиш имкон қадар «онлайн» режимга ўтказилади;

фуқаролар томонидан Интернет жаҳон ахборот тармоғи ва телефон алоқаси учун тўловлар ўз вақтида амалга оширилмаганлиги сабабли иккى ой давомида ўчирилишига йўл қўйилмайди;

идоравий бўйсунуви ва ташкилий-ҳуқуқий шаклидан қатъи назар барча ташкилотларнинг асосий иш фаолиятига таъсир этмаган ҳолда қонун ҳужжатларида белгиланган тартибда ходимларни меҳнат таътилига чиқариш, қолган қисмининг меҳнат фаолиятини максимал даражада масофадан туриб («онлайн» режимда ёки масофавий тарзда) ташкил этиш чоралари кўрилади.

Ушбу банднинг **бешинчи хатбошисида** назарда тутилган чора-тадбирларни молиялаштириш Инқизотга қарши курашиб жамғармаси ҳамда қонун ҳужжатларида тақиқланмаган бошқа манбалар ҳисобидан амалга оширилади.

Ўзбекистон Республикаси Ички ишлар вазирлиги:

**Олдинги таҳрирга қаранг.**

Миллий гвардия ва Санитария-эпидемиологик осойишталик ва жамоат саломатлиги хизмати билан биргалиқда ушбу банднинг **учинчи хатбошисида** белгиланган талабларга сўзсиз риоя этилиши устидан қатъий назорат ўрнатсан;

(**2-банднинг ўн иккинчи хатбошиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон**)

**Олдинги таҳрирга қаранг.**

Тартибининг амал қилиш даврида, заруратга кўра, қўшимча йўл-патруль хизмати стационар постлари ва блок постлар ташкил этиш чораларини кўрсин.

**Олдинги таҳрирга қаранг.**

Ички ишлар органлари йўл-патруль хизмати ходимларига, истисно тариқасида, Тартиб даврида автотранспорт воситасини маҳсус рухсатномасиз бошқарганлик учун Ўзбекистон Республикаси Санитария-эпидемиологик осойишталик ва жамоат саломатлиги хизмати ходимлари томонидан расмийлаштирилган маъмурий баённома асосида Ўзбекистон Республикаси Маъмурий жавобгарлик тўғрисидаги кодексининг 291-моддасида белгиланган тартибда автотранспорт воситасини жарима майдончасига жойлаштириш йўли билан ушлаб туриш ҳуқуқи берилсин.

(**2-банднинг ўн тўртинчи хатбошиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон**)

**Олдинги таҳрирга қаранг.**

Бунда маъмурий ҳуқуқбузарлик тўғрисидаги қарор белгиланган тартибда ижро этилганидан ёхуд ижроси тугатилгандан сўнг Санитария-эпидемиологик осойишталик ва жамоат саломатлиги хизмати томонидан бериладиган маълумотнома асосида автотранспорт воситаси жарима майдончасидан олиб чиқиб кетилади.

(2-банднинг ўн бешинчи хатбоишиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Конунчилик маълумотлари миллий базаси, 20.11.2021 й., 09/21/694/1075-сон)

3. Тартибнинг амал қилиш даврида қуидагилар ўрнатилсин:

а) коронавирус инфекцияси аниқланган Ўзбекистон Республикаси фуқаролари, фуқаролиги бўлмаган шахслар ва хорижий фуқаролар, шу жумладан 2020 йил январь — март ойларида коронавирус инфекцияси қайд этилган ҳудудларда бўлиб, Ўзбекистон ҳудудига кириб келган шахслар:

*Олдинги таҳрирга қаранг.*

Комиссия қарорларига, Санитария-эпидемиологик осойишталик ва жамоат саломатлиги хизмати ва эпидемияга қарши курашишга жалб этилган бошқа давлат ташкилотларининг қонуний талабларига риоя этишга;

(3-банд «а» кичик бандининг иккинчи хатбоишиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Конунчилик маълумотлари миллий базаси, 20.11.2021 й., 09/21/694/1075-сон)

Ўзбекистонга қайтиб келганлиги, коронавирус инфекцияси қайд этилган ҳудудларда бўлган вақти ва жойи тўғрисида зудлик билан соғлиқни сақлаш органларига маълумот беришга;

ўзида касаллик аломатлари вужудга келганда касаллик юқиши мумкин бўлган даврда мулоқотда бўлган шахслар ва ҳаракатланиш йўналишлари ҳақида зудлик билан соғлиқни сақлаш органларига маълумот беришга;

14 кун давомида уйда ёки маҳсус белгиланган жойда изоляция шароитида бўлишга;

санитария ва эпидемияга қарши курашиш қоидалари ва изоляция режимида бўлишга оид талабларга қатъий риоя этиш, шу жумладан тиббий ҳимоя воситаларини қўллаш ва жамиятда бир-бирлари орасида масофани сақлашга;

соғлиқни сақлаш органлари томонидан тайинланадиган тиббий текширув ва даволанишдан ўтишга мажбурдирлар;

*Олдинги таҳрирга қаранг.*

б) санитария-эпидемиология хизмати органлари томонидан изоляция қилиниши лозимлиги ҳақида талаб қўйилган шахслар билан бирга яшовчи шахслар ҳам 14 кун давомида ёки санитария-эпидемиология хизмати органлари томонидан белгилаб берилган муддат давомида уйда ёки маҳсус белгиланган жойда изоляция шароитида бўлишга мажбурдирлар;

(3-банднинг «б» кичик банди Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Конунчилик маълумотлари миллий базаси, 20.11.2021 й., 09/21/694/1075-сон)

в) коронавирус инфекциясини юқтирган ёки ушбу инфекцияни юқтирганликда гумон қилиниб карантинга жойлаштирилган шахсларнга тегишли бўлган мобиль телефон, аудио ва видео воситалар, банк карталари ҳамда бошқа ахборот ташувчи буюмлар вақтинча олиб қўйилади;

г) идоравий бўйсунуви ва ташкилий-хуқуқий шаклидан қатъи назар барча ташкилотлар раҳбарлари (иш берувчилар) қуидагиларга риоя этишлари шарт:

ташриф буюрувчи шахсларни факат тиббий никоб ва тиббий воситаларни қўллаган ҳолда киритиш тартибини мажбурий жорий этиш;

иш жойларида ходимларнинг тана ҳароратини ўлчаш ва тана ҳарорати юқори бўлган ходимларни иш жойида бўлишига йўл қўймаслик ҳамда ушбу ходимлар тўғрисида соғлиқни сақлаш органларига зудлик билан хабар етказиш;

*Олдинги таҳрирга қаранг.*

санитария-эпидемиология хизмати органларининг талабномасига мувофиқ коронавирус инфекциясини юқтирган ходим билан мулоқотда бўлганлар ҳақида дарҳол маълумот бериш, касалланган шахс бўлган жойларни дезинфекциядан ўtkазиш чораларини кўриш;

*(3-банд «г» кичик банднинг тўртинчи хатбошиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)*

ходимларга изоляция режимида бўлишга оид талабларга риоя этишда кўмаклашиш;

*Олдинги таҳрирга қаранг.*

д) савдо ва хизмат кўрсатиш ташкилотлари Санитария-эпидемиологик осойишталик ва жамоат саломатлиги хизмати ва унинг худудий бўлинмалари ёки бошқа ташкилотлар билан шартномалар тузиш йўли билан дезинфекция воситалари билан таъминланади;

*(3-банднинг «д» кичик банди Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)*

е) Тошкент шаҳри, Қорақалпоғистон Республикаси ва вилоятларда жойлашган дехқон бозорларидан ташқари барча бозорларнинг фаолияти тўхтатилади.

4. Белгилансинки:

Комиссия мазкур қарорда белгиланган чора-тадбирлар амалга оширилиши билан боғлиқ барча масалаларни мувофиқлаштиради ва зарур ҳолларда қўшимча кечикириб бўлмайдиган тадбирларни амалга ошириш бўйича қарор қабул қиласди;

Ўзбекистон Республикаси Соғлиқни сақлаш вазирлиги, Ички ишлар вазирлиги, Миллий гвардия, Транспорт вазирлиги, Давлат божхона қўмитаси бошқа манфаатдор вазирлик ва идоралар ҳамда Қорақалпоғистон Республикаси Вазирлар Кенгаши ва маҳаллий ҳокимликлар билан биргалиқда мазкур қарорда белгиланган чора-тадбирларни ўз вақтида ва тўлиқ амалга ошириш билан боғлиқ барча ташкилий масалалар ижросини таъминлайди.

5. Коронавирус инфекцияси аниқланганда (гумон қилинганда) бажариладиган профилактик ва эпидемияга қарши чора-тадбирларни амалга ошириш тартиби тўғрисидаги низом **иловага** мувофиқ тасдиқлансин.

6. Ўзбекистон Республикаси Соғлиқни сақлаш вазирлиги манфаатдор вазирлик ва идоралар билан биргалиқда:

ўн кун муддатда республикада коронавирус инфекциясининг тарқалиш даражасини таҳлил қилган ҳолда Соғлиқни сақлаш вазирлиги билан тузилган шартнома асосида нодавлат тиббиёт ташкилотларида ушбу инфекция билан касалланган беморларга тиббий хизмат кўрсатишни ташкил этиш бўйича таклифларни;

бир ой муддатда карантин гурухига мансуб бўлган ўта хавфли ва юқумли касалликлар инфекцияси аниқланганда (гумон қилинганда) ўтказиладиган профилактик ва эпидемияга қарши чора-тадбирларни амалга ошириш тартибини ишлаб чиқсан ҳамда Ўзбекистон Республикаси Вазирлар Маҳкамасига киритсан.

7. Ўзбекистон Республикаси Давлат солик қўмитаси ва Марказий банк тижорат банклари билан биргалиқда бир кун муддатда тўловларни амалга оширишнинг масофавий шаклларини кенгайтириш бўйича қўшимча чора-тадбирларни ишлаб чиқиб амалиётга татбиқ этиш чораларини кўрсинг.

8. Ўзбекистон Республикаси Ташки ишлар вазирлиги Соғлиқни сақлаш вазирлиги билан биргалиқда хорижий мамлакатларда коронавирус инфекциясига қарши қабул қилинган қонун ҳужжатлари, амалга оширилаётган чора-тадбирлар, шу жумладан тиббиёт соҳасидаги янги ёндашув ҳамда ихтиrolар тўғрисида ҳар кунлик маълумотни Комиссияга тақдим этиб борсин.

9. Қорақалпоғистон Республикаси Вазирлар Кенгashi Раиси, вилоятлар ва Тошкент шаҳар ҳокимлари:

бир хафта муддатда Ўзбекистон Касаба уюшмалари Федерацияси ва Соғлиқни сақлаш вазирлиги хузуридаги Тиббий-ижтимоий хизматлар агентлигига қарашли санаторий ва бошқа соғломлаштириш масканларида ҳамда давлат тасарруфидаги дам олиш ва соғломлаштириш масканлари, меҳмонхоналари негизида Қорақалпоғистон Республикасида 4 та, вилоятлар ва Тошкент шаҳрида 3 тадан 14 кунлик карантин тадбирлари учун мослаштирилган базалар ташкил этилиши чораларини кўрсинг;

карантинда сақланаётган шахсларни бир-биридан ажратган ҳолда улар ўртасида коронавирус инфекцияси тарқалишининг максимал олдини олиш имконини берувчи маҳсус карантин объектлари қурилишини қисқа муддатларда таъминласин.

10. Комиссияга жорий этилган Тартибнинг амал қилиш даврида қуидаги қўшимча вазифалар юклансин:

коронавирус инфекцияси аҳоли ўртасида тарқалишини олдини олишга қаратилган зарур чора-тадбирларни ишлаб чиқиш ва амалга оширишни таъминлаш;

хуқуқни муҳофаза қилувчи ва бошқа давлат органларининг фаолиятини ўз ваколатлари доирасида мувофиқлаштириш;

биринчи навбатдаги дори воситалари, никоб ва тиббий буюмларнинг (дезинфекция воситалари ва бошқалар) аҳолига қатъий белгиланган нархларда узлуксиз етказиб берилишини назорат қилиш;

республикада коронавирус инфекцияси тарқалиши билан боғлиқ вазиятни мунтазам таҳлил қилиш ва вазият барқарорлашгандан сўнг Ўзбекистон Республикаси Вазирлар Маҳкамасига Тартибнинг амал қилишини тугатиш юзасидан таклиф киритиш.

11. Комиссияга унинг зиммасига юклатилган қўшимча вазифаларни амалга ошириш учун қуидаги ҳукуқлар берилсин:

идоравий бўйсунуви ва ташкилий-ҳукуқий шаклидан қатъи назар барча ташкилотларда коронавирус инфекцияси тарқалишининг олдини олиш бўйича амалга оширилаётган ишларни текшириш ҳамда назоратни олиб бориш;

алоҳида аҳоли пунктлари ва худудларда карантин тадбирлари ҳамда карантин жорий этиш тўғрисида қарор қабул қилиш;

идоравий бўйсунуви ва ташкилий-ҳукуқий шаклидан қатъи назар барча ташкилотлардан ҳужжатлар талаб қилиш ҳамда уларнинг раҳбарларини коронавирус инфекцияси тарқалишининг олдини олиш юзасидан кўрилаётган чора-тадбирлар, санитария-гигиена тадбирлари ва эпидемияга қарши чора-тадбирлар бажарилиши тўғрисидаги ахборотларини Комиссия мажлисларида эшитиш;

вазирликлар, идоралар ва бошқа ташкилотлар мансабдор шахсларининг айби (ҳаракати ёки ҳаракатсизлиги) билан коронавирус инфекцияси авж олишига йўл қўйилганда, уларни эгаллаб турган лавозимидан озод этиш тўғрисида юкори турувчи ташкилотларга, шунингдек, маъмурий ёки жиноий жавобгарликка тортиш тўғрисидаги масалани ҳуқуқни муҳофаза қилувчи органларга кўриб чиқиши учун киритиш.

12. Белгилансинки, Комиссиянинг ўз ваколатлари доирасида қабул қилган қарорлари идоравий бўйсунуви ва ташкилий-ҳукуқий шаклидан қатъи назар барча ташкилотлар ва уларнинг мансабдор шахслари, шунингдек, фуқаролар томонидан бажарилиши мажбурий хисобланади.

13. Шундай тартиб ўрнатилсинки, унга мувофиқ Тартибнинг амал қилиш даврида Ўзбекистон Республикаси Соғлиқни сақлаш вазирлиги ва Фармацевтика тармоғини ривожлантириш агентлиги томонидан тақдим этилган рўйхат бўйича:

Ўзбекистон Республикаси Давлат божхона қўмитаси, истисно тариқасида, божхона чегараси орқали ўтказилаётган зарур дори воситалари, тиббий буюмлар, тиббий техника, уларни ишлаб чиқариш учун ишлатиладиган материаллар ва субстанциялар учун «яшил» йўлаклар ташкил қиласи ва ушбу товарларга нисбатан божхона божлари ундирилмайди;

дори воситалари, тиббий буюмлар, тиббий техника, уларни ишлаб чиқариш учун ишлатиладиган материаллар ва субстанциялар учун, истисно тариқасида, тендерлар ёки танлов савдолари ўтказмасдан энг яхши таклифларни танлаб олиш йўли билан тўғридан-тўғри шартномалар тузишга рухсат берилади.

14. Ўзбекистон Республикаси Молия вазирлиги, Марказий банки, Бандлик ва меҳнат муносабатлари вазирлиги билан биргаликда Тартибнинг амал қилиш даврида аҳолининг реал дарамодларини барқарорлигини таъминлаш мақсадида ишчиларга ойлик иш ҳақлари узлуксиз ва ўз вақтида тўланишини таъминлаб борсин ҳамда республикадаги бандлик даражасини тушиб кетмаслик бўйича аниқ ва манзилли чора-тадбирларни амалга оширсин.

*Олдинги таҳрирга қаранг.*

15. Ўзбекистон Республикаси Ички ишлар вазирлиги, Маҳалла ва оилани қўллаб-куvvatлаш вазирлиги Санитария-эпидемиологик осойишталик ва жамоат саломатлиги хизмати билан биргаликда коронавирус инфекциясини юқтирган ёки ушбу инфекцияни юқтирганликда гумон қилиниб уй шароитида карантинга жойлаштирилган шахслар томонидан карантин қоидаларига риоя қилиниши устидан қатъий ва тизимли назорат ўрнатсин ҳамда карантин ўташ даврида ушбу шахсларни биринчи навбатдаги озиқ-овқат маҳсулотлари, дори воситалари, никоб ва тиббий буюмлар (дезинфекция воситалари ва бошқалар) билан таъминлаш чораларини кўрсинг.

(15-банд Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Конунчилик маълумотлари миллий базаси, 20.11.2021 й., 09/21/694/1075-сон)

16. Ўзбекистон Республикаси Ички ишлар вазирлиги, Мудофаа вазирлиги, Фавқулодда вазиятлар вазирлиги, Давлат хавфсизлик хизмати, Миллий гвардия Тартибнинг амал қилиш даврида жамоат тартибини сақлаш чораларини кучайтиурсин.

17. Ўзбекистон Миллий ахборот агентлиги, Ўзбекистон Миллий телерадиокомпанияси, Электрон оммавий ахборот воситалари миллий ассоциацияси Ўзбекистон нодавлат нотижорат ташкилотлари миллий ассоциацияси билан ҳамкорликда:

ушбу қарорнинг мақсад ва вазифалари оммавий ахборот воситалари ва Интернет жаҳон ахборот тармоғида кенг тушунтирилишини;

масъул вазирлик ва идораларни жалб қилган ҳолда коронавирус тарқалиши билан боғлиқ вазият ҳамда жорий этилган Тартиб тўғрисида тўлиқ ва холисона маълумотларни кенг жамоатчиликка мунтазам равишда етказиб борилишини таъминласин.

18. Ушбу қарорнинг ижросини назорат қилиш ўз зиммамда қолдираман.

**Ўзбекистон Республикасининг Бош вазири А. АРИПОВ**

Тошкент ш.,  
2020 йил 23 марта,  
176-сон

Вазирлар Маҳкамасининг 2020 йил 23 марта 176-сон қарорига  
ИЛОВА

**Коронавирус инфекцияси аниқланганда (гумон қилинганда) бажариладиган профилактик ва эпидемияга қарши чора-тадбирларни амалга ошириш тартиби тўғрисида**  
**НИЗОМ**

**1-боб. Умумий қоидалар**

1. Мазкур Низом коронавирус инфекцияси аниқланганда ёхуд гумон қилинганда давлат органлари ва бошқа ташкилотлари томонидан профилактик ҳамда эпидемияга қарши чора-тадбирларни амалга ошириш тартибини белгилайди.

2. Ушбу Низомда қуйидаги асосий тушунчалар қўлланилади:

карантин — маълум худудни коронавирус инфекцияси тарқатувчи манбадан муҳофаза қилиш ва уни йўқотишга ҳамда коронавирус инфекциясининг бир жойдан бошқа худудларга тарқалишига йўл қўймасликка қаратилган маъмурий ва санитария-эпидемиологик тадбирлар мажмуи;

обсерватор — карантин зонада бемор билан мулоқотда бўлмаган соғлом кишиларни сақлаш учун мослаштирилган биноларда (мактаб, меҳмонхона, маъмурий бинолар, сихатгоҳлар, болаларнинг ёзги дам олиш оромгоҳлари ва бошқаларда) ташкил этиладиган маҳсус ажратиладиган жой;

госпитал — коронавирус инфекциясини юқтирганларни даволаш учун юқумли касалликлар шифохонаси ёки бошқа тиббиёт муассасаси базасида ташкил этилган даволаш муассасаси;

провизор госпитал — коронавирус инфекциясига гумон қилинган шахсларни сақлаш ва даволаш учун юқумли касаллуклар шифохонаси ёки бошқа тиббиёт муассасаси базасида ташкил этилган даволаш муассасаси;

изолятор — эпидемияга қарши режимни таъминлаш учун коронавирус инфекцияси аниқланган бемор билан мuloқотда бўлган шахслар жойлаштириладиган юқумли касаллуклар шифохонаси ёки бошқа алоҳида ажратилган биноларнинг маҳсус жиҳозланган хонаси;

санитария-карантин пунктлари — Давлат чегараларини қуруқликда (автомобиль ва темир йўллари), ҳаво ва сув йўллари орқали кесиб ўтиш жойларидаги чегара-божхона мажмуаларида ташкил этиладиган ихтисослашган профилактик муассаса.

## **2-боб. Коронавирус инфекциясига гумон қилинган беморлар аниқланганда давлат органлари ва бошқа ташкилотларининг ҳаракатланиш тартиби**

### **1-§. Коронавирус инфекциясига гумон қилинган беморлар аниқланганда ҳаракатланишнинг умумий қоидалари**

*Олдинги таҳрирга қаранг.*

3. Ўзбекистон Республикаси Санитария-эпидемиологик осойишталик ва жамоат саломатлиги хизмати, Қорақалпоғистон Республикаси, Тошкент шаҳар ва вилоятлар, туманлар (шаҳарлар) санитария-эпидемиологик осойишталик ва жамоат саломатлиги бошкармалари ҳамда барча тиббиёт муассасалари коронавирус инфекциясига гумон қилинган бемор аниқланганда зарур тиббий-санитария чора-тадбирларини амалга ошириш учун масъул ҳисобланади.

(3-банд Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Конунчилик маълумотлари миллий базаси, 20.11.2021 й., 09/21/694/1075-сон)

4. Ҳар бир туман (шаҳар) тиббиёт бирлашмасида коронавирус инфекцияси аниқланганда тезкор режа асосида ҳаракатга келтириладиган маслаҳат, эвакуация ва дезинфекция гуруҳлари ташкил этилади.

5. Коронавирус инфекциясига гумон қилинган бемор аниқланганлиги тўғрисида хабар келганда, туман (шаҳар) тиббиёт бирлашмаси раҳбари томонидан беморни қўриқдан ўтказиш учун маслаҳат-эвакуация ва дезинфекция гуруҳлари юборилади.

6. Беморни олиб кетиш учун ҳайдовчи жойи салондан ажратилган ва зич ёпиладиган, маҳсус (тез тиббий ёрдам) автотранспорт воситаси ажратилади, гуруҳ аъзолари тегишли шахсий ҳимоя воситаларини кийган ҳолда бўлишлари шарт.

Инфекционист врач bemorga бирламчи ташхис қўйиш ва аҳволини баҳолаш учун тиббий қўриқдан ўтказади.

Эпидемиолог врач bemor билан мuloқотда бўлганларни ва унинг ҳаракатланиш йўналишини аниқлаш мақсадида эпидемиологик суриштирув ўтказади.

Дезинфекция гуруҳи инфекция ўчоғида якуний дезинфекция тадбирларини ўтказади. Беморни олиб келган автотранспорт воситаси маҳсус майдончада дезинфекция қилинади.

7. Беморда коронавирус инфекциясига гумон ташхиси касалликнинг клиник белгилари (тана ҳароратининг меъёридан юқорилиги, қуруқ йўтал, ҳолсизланиш, нафас сиқилиши) ва эпидемиологик суриштирув натижаларига асосланиб қўйилади.

8. Эпидемиологик суриштирув жараённида коронавирус инфекцияси бўйича эпидемик нохуш бўлган давлатда ёки худудда бўлганлиги, шунингдек, яшаш ёки иш жойида, сафар давомида юқори нафас йўллари инфекцияси билан оғриган ёки ушбу касалликдан вафот этган bemor билан мuloқотда бўлганлиги аниқланади.

## **2-§. Санитария-карантин пунктларининг фаолиятини ташкил этиш ҳамда уларда коронавирусга гумон қилинган бемор аниқланганда ҳаракатланиш тартиби**

9. Чегара божхона постларидан ўтаетган йўловчилар дастлаб санитария-карантин пунктларида навбатчи ходимлар томонидан тиббий-санитария қўригидан ўтказилгандан сўнг чегара ва божхона хизматлари назоратидан ўтказилади. Бу жараёнда коронавирус инфекциясининг белгиларини аниқлашга алоҳида эътибор қаратилади.

### *Олдинги таҳрирга қаранг.*

10. Коронавирус инфекциясига гумон қилинган шахс аниқланганда бу хақда зудлик билан Давлат чегараси орқали ўтказиш пункти маъмуриятига, худудий тиббиёт бирлашмаси ва санитария-эпидемиологик осойишталик ва жамоат саломатлиги бўлимига хабар етказилади.

(10-банд Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

11. Коронавирус инфекциясига гумон қилинган шахс изоляция қилинади ва зарур ҳолларда унга биринчи тиббий ёрдам кўрсатилади. Бунда маслаҳат гурухи етиб келгунга қадар Давлат чегараси орқали ўтказиш пункти маъмурияти томонидан ушбу пункт фаолияти вақтинчалик тўхтатилади.

12. Санитария-карантин пунктлари ходимлари шахсий ҳимоя воситаларидан фойдаланган ҳолда эпидемиологик суриштирув ишларини ўтказиб, мазкур шахс билан мулоқотда бўлғанлар (йўловчи билан бирга келган ва яқин мулоқотда бўлғанлар, чегарачилар, тиббиёт ходимлари ва бошқалар)нинг рўйхатини тузадилар ҳамда бошқа зарур маълумотларни (касалликнинг бошланиш вақти, унинг яширин даврида қаерда бўлғанлиги, худуддаги эпидемик вазият, касаллик белгиларининг динамикаси) аниқлайдилар.

Санитария-карантин пунктлари ходимларининг кейинги ҳаракатлари маслаҳат гурухи кўрсатмалари асосида олиб борилади.

13. Маслаҳат гурухи эпидемиологик суриштирув натижаларига қараб, коронавирус инфекциясига гумон қилинган беморни провизор госпитал (госпитал)га жойлаштириш учун эвакуация гурухини, шунингдек, санитария-карантин пунктларида дезинфекция ишларини олиб бориш учун дезинфекция гурухини чақиртиради.

14. Чегарадан кириб келишда тиббий-санитария тартиб-таомиллари Халқаро тиббий-санитария қоидаларига биноан белгиланади.

15. Коронавирус инфекциясига гумон қилинган бемор санитария-карантин пунктларида аниқланганда:

### *Олдинги таҳрирга қаранг.*

бемор коронавирус инфекциясига гумон қилинганда, дарҳол санитария-карантин пункти изоляторига жойлаштириллади ҳамда бу тўғрисида ушбу Низомга иловада белгиланган тартибда туман (шаҳар) санитария-эпидемиологик осойишталик ва жамоат саломатлиги бўлими раҳбарига хабар берилади;

(15-банднинг иккинчи хатбошиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

санитария-карантин пунктларининг тиббиёт ходими шахсий ҳимоя воситаларини (комбинезон, этик, тиббий ниқоб, кўзойнак ва қўлқоп) кийган ҳолда тегишли тадбирларни давом эттиради;

### *Олдинги таҳрирга қаранг.*

туман (шаҳар) санитария-эпидемиологик осойишталик ва жамоат саломатлиги бўлими раҳбари инфекция ўчоғига шахсий ҳимоя воситалари ва техника билан таъминланган эвакуация (инфекционист, эпидемиолог, шошилинч тиббий ёрдам хизмати врачи ва ўрта тиббиёт ходими) ҳамда дезинфекция (дезинфекция шифокори ва дезинфектор) гурухларини юборади;

(15-банднинг тўртинчи хатбошиси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

эпидемиолог врач эпидемиологик суриштирув ишларини олиб боради ҳамда бемор билан мулоқотда бўлғанларни аниқлайди;

дезинфекция гурухи инфекция ўчоғида якуний дезинфекция тадбирларини ўтказади;

эвакуация гурухи беморни бокс палаталари бўлган маҳсус ажратилган юкумли касалликлар шифохонасига олиб боради;

тиббиёт муассасаси ходимлари бемордан лаборатория текшируви ўтказиш учун намуналар олади ва вирусология лабораториясига юборади.

### **3-§. Коронавирусга гумон қилинган бемор уйда ва тиббиёт муассасасида аниқланганда ҳаракатланиш тартиби**

16. Коронавирусга гумон қилинган бемор уйда аниқланганда:

*Олдинги таҳрирга қаранг.*

тиббиёт ходими беморни уйда тиббий кўрикдан ўтказиб, коронавирус инфекциясига гумон қилган ҳолларда, ушбу Низомга **иловада** белгиланган тартибда дарҳол ўзи ишлаётган тиббиёт муассасаси раҳбарига, раҳбар эса, туман (шаҳар) санитария-эпидемиологик осойишталик ва жамоат саломатлиги бўлими ҳамда туман (шаҳар) тиббиёт бирлашмасига хабар беради;

(16-банднинг иккинчи хатбоииси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

туман (шаҳар) тиббиёт бирлашмаси раҳбари инфекция ўчоғига комбинезон, этик, тиббий ниқоб, кўзойнак ва қўлқопдан иборат шахсий ҳимоя воситалари билан таъминланган тиббиёт ходимлари гурухини ва тез тиббий ёрдам машинасини юборади;

*Олдинги таҳрирга қаранг.*

санитария-эпидемиологик осойишталик ва жамоат саломатлиги бўлими бош врачи беморнинг уйига туман эпидемиолог врачи ва дезинфекцион гурухни юборади;

(16-банднинг тўртинчи хатбоииси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

эпидемиолог врач эпидемиологик суриштирув ишларини олиб боради ҳамда бемор билан мулоқотда бўлгандарни ва беморнинг ҳаракатланиш йўналишини аниқлайди;

дезинфекция гурухи инфекция ўчоғида якуний дезинфекция тадбирларини ўтказади;

бемордан лаборатория текшируви ўтказиш учун намуналар тиббиёт муассасалари томонидан олиниб, вирусология лабораториясига юборилади.

17. Коронавирус инфекциясига гумон қилинган бемор тиббиёт муассасасида аниқланганда:

тиббиёт муассасасига мурожаат қилган барча беморлар муассасага кириш эшиги олдида ёки қабул бўлимида фильтрдан ўтказилади, тана ҳарорати юқори, нафас сиқиши ҳамда йўталга шикояти аниқланганлар изоляторга жойлаштирилади;

*Олдинги таҳрирга қаранг.*

коронавирус инфекциясига гумон қилинган бемор аниқланганда, шифокор бошқа беморларни қабул қилишни тўхтатади ва ушбу Низомга **иловада** белгиланган тартибда зудлик билан бемор ҳақида тиббиёт муассасаси раҳбарига, у эса, туман (шаҳар) санитария-эпидемиологик осойишталик ва жамоат саломатлиги бўлимига хабар беради ҳамда Соғлиқни сақлаш вазирлиги томонидан тасдиқланадиган шаклдаги шошилинч хабарнома юборади;

(17-банднинг учинчи хатбоииси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

*Олдинги таҳрирга қаранг.*

туман (шаҳар) санитария-эпидемиологик осойишталик ва жамоат саломатлиги бўлими бош врачи беморнинг уйига туман эпидемиолог врачи ва дезинфекция гурухини юборади;

(17-банднинг тўртинчи хатбоииси Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Қонунчилик маълумотлари миллий базаси, 20.11.2021 й., 09/21/694/1075-сон)

беморни қабул қилаётган шифокор шахсий ҳимоя воситаларини кийиб, эвакуация ва дезинфекция гурухлари келгунга қадар даволаш профилактика муассасасида қолади;

дезинфекция гурухи ёки тиббиёт муассасаси ўзининг ички имкониятларидан келиб чиқкан ҳолда инфекция ўчоғида жорий дезинфекция тадбирларини ўтказади;

дезинфекция гурухи беморнинг уйида якуний дезинфекция тадбирларини ўтказади;

беморга аниқ бирламчи ташхис қўйиш мақсадида инфекционист врач уни кўридан ўтказади ва суриштирув ишларини олиб боради, bemor кўридан ўтказилганидан кейин, эвакуация гурухи уни бокс палаталари бўлган маҳсус ажратилган юқумли касалликлар шифохонасига олиб кетади;

бемор билан мuloқотda бўлган тиббиёт ходимлари ва bemorning оила аъзолари bemor алоҳидаланган кундан бошлаб, 14 кун давомида карантинга олинади, agar улар орасида коронавирус инфекциясининг белгилари пайдо бўлса, улар госпиталга ётказилади;

беморни олиб келган автотранспорт воситаси юқумли касалликлар шифохонасининг маҳсус майдончасида дезинфекция қилинади;

бемордан лаборатория текшируви ўтказиш учун намуналар олиниб, вирусология лабораториясига юборилади.

### **3-боб. Коронавирус инфекциясига гумон қилинган шахслар учун карантин белгилаш тартиби**

18. Коронавирус инфекциясини юқтириш хавфи даражасига қараб, коронавирус инфекцияси аниқланган шахслар билан яқин мuloқotda va muloқotda bўlган shahslariga bўlinadi.

19. Коронавирус инфекцияси аниқланган шахслар билан яқин мuloқotda bўlган shahslar доирасига қуидагилар киради:

коронавирус инфекцияси аниқланган шахс билан битта хонадонда яшаган шахслар;

коронавирус инфекцияси аниқланган шахс билан бевосита жисмоний мuloқotda (кўл сикиш, кучоқлашиш) bўlган shahs;

коронавирус инфекцияси аниқланган шахс билан мuloқotda (масалан, йўталаётганда) химояланмаган шахслар;

коронавирус инфекцияси аниқланган шахс билан 2 метрдан кам масофада 15 дақиқадан кўпроқ вақт давомида юзма-юз bўlган shahslar;

15 дақиқа ёки ундан кўпроқ вақт 2 метрдан кам масофада коронавирус инфекцияси аниқланган шахс билан бирга ёпиқ жойда (синф хонасида, йиғилиш хонасида, касалхона кутиши хонасида ва бошқалар) bўlган shahslar;

тиббий мутахассис ёки коронавирус инфекцияси аниқланган шахсни бевосита парваришлишни амалга оширувчи бошқа шахс ёки шахсий ҳимоя воситаларисиз ёки улардан фойдаланиш қоидаларини бузган ҳолда коронавирус инфекцияси аниқланган шахснинг бионамуналари билан ишлаган лаборатория мутахассislari;

самолётда, шаҳарлараро автобусда, поездда коронавирус инфекцияси аниқланган шахсдан ҳар қандай йўналишда икки ўриндиқ оралиғида ёки битта купеда (поездда) bўlган, шунингдек, коронавирус инфекцияси аниқланган шахс учебиб кетган самолётда хизмат кўрсатган экипаж аъзолари.

20. Коронавирус инфекцияси аниқланган шахслар билан яқин мuloқotda bўlган shahslar провизор госпитал ёки изоляторга жойлаштирилади.

21. Коронавирус инфекцияси аниқланган шахслар билан мuloқotda bўlган shahslar доирасига коронавирус инфекцияси аниқланган шахслар билан бир самолётда, поездда, автобусда bўlган, аммо улар билан яқин мuloқot қилмаган шахслар киради.

22. Коронавирус инфекцияси аниқланган шахслар билан мuloқotda bўlган shahslar уй карантинида сақланадилар.

23. Коронавирус инфекцияси аниқланган шахслар билан мuloқotda bўlган shahslarning яшаш жойида уй шароитида изоляция қилиш учун шароитлар bўlmagan taқdirda, уларнинг карантинга олиниши маҳаллий ҳокимликлар томонидан таъминланади.

24. Коронавирус инфекциясини юқтирган ёки ушбу инфекцияни юқтирганликда гумон қилиниб карантинга жойлаштирилган shahslariga tegishli bўlган mobil telefon,

аудио ва видео воситалар, кредит карталари ҳамда бошқа ахборот ташувчи буюмлар вақтинча олиб қўйилади.

Бунда вақтингчалик олиб қўйилган буюмлар шахс инфекция юқиши мумкин бўлган даврда мулоқотда бўлган шахслар ва борган жойларини аниқлаш мақсадида ўрганилади.

Вақтингчалик олиб қўйилган буюмлар шахс даволаш муассасасидан чиқаётган вақтда ўзига қайтариб берилади ёки унинг яқин қариндошлари ёхуд вакилларига топширилади.

Вақтингчалик олиб қўйилган буюмларни сақлаш (қўриқлаш) тегишли даволаш муассасаси томонидан ички ишлар органлари ва Миллий гвардия бўлинмалари билан биргалиқда ташкиллаштирилади.

25. Коронавирус инфекцияси аниқланган шахслар ҳамда улар билан яқин мулоқотда ва мулоқотда бўлган шахсларни карантинда сақлаш муассасаларига етказиш маҳсус транспорт воситаларида (автобус, микроавтобус) амалга оширилади, бунда ҳайдовчи ўринидиги салондан ажратилиши, дезинфекция жиҳозларлари ва ускуналари, ҳимоя никоблари, тиббий чиқиндиларни бир марталик йиғиши воситалари билан таъминланиши лозим.

26. Маҳсус транспорт воситалари ҳар бир ташишдан олдин ва кейин маҳсус ажратилган майдончада ювилади ва дезинфекцияланади, ишчиларнинг ҳимоя ва иш кийимлари ташиш якунига кўра режим бўйича дезинфекция қилинади.

27. Госпиталда, провизор госпиталда ва изоляторда ҳар куни жорий дезинфекция, улар бўшатилгандан кейин эса якуний дезинфекция ишлари олиб борилиши керак.

28. Карантин жойида мулоқотда бўлган шахсларни, ташриф буорувчилар, транспорт воситалари киришлари ва чиқишилари, буюмлар, маҳсулотлар ва бошқаларни олиб киришни ва олиб чиқиши қатъий назорат қилиш учун Ички ишлар вазирлиги ва Миллий гвардия томонидан кечаю-кундуз қўриқланади.

29. Коронавирус инфекцияси аниқланган шахслар билан мулоқотда бўлиб, карантинда сақланаётган шахслар орасида коронавирус инфекцияси бор бошқа шахс аниқланса, у госпиталга олинади ҳамда қолган шахслар учун карантин муддати қайтадан бошланади.

30. Коронавирус инфекцияси аниқланган шахслар билан мулоқотда бўлиб, карантинда сақланаётган шахслар орасида карантин муддатида коронавирус инфекцияси бор шахслар аниқланмаса улар даволаш муассасасидан чиқарилади.

31. Коронавирус инфекцияси аниқланган шахслар даволаш муолажаларидан сўнг коронавирус инфекциясидан тузалса ҳамда бу тегишли лаборатория текширувлари натижалари билан тасдиқланса, шахс даволаш муассасасидан чиқарилади.

32. Бемор уйига жавоб берилиши олдидан у санитария ишловидан ўтказилади. Госпиталда bemорларнинг уйига жавоб бериш тартиби юқумли касалликлар бўйича Соғлиқни сақлаш вазирлигининг тегишли буйруқлари асосида амалга оширилади.

#### **4-боб. Якунловчи қоидалар**

33. Карантин даврида ташкил этилган госпитал, провизор госпитал, изолятор ва обсерватор каби муассасалар фаолияти Республика, Қорақалпоғистон Республикаси, вилоятлар ва Тошкент шаҳар эпидемияга қарши кураш фавқулодда комиссияларининг тегишли қарори билан тугатилади.


34. Мазкур Низом талабларининг бузилишида айбдор бўлган шахслар қонун хужжатларида белгилangan тартибда жавоб берадилар.

**Коронавирус инфекцияси аниқланганда (гумон қилинганда) бажариладиган профилактик ва  
эпидемияга қарши чора-тадбирларни амалга ошириш тартиби тўғрисидаги низомга  
ИЛОВА**

#### **Коронавирус инфекциясига гумон қилинганда шошилинч хабар бериш**

##### **ТАРТИБИ**

*Олдинги таҳрирга қаранг.*



(иљова Ўзбекистон Республикаси Вазирлар Маҳкамасининг 2021 йил 19 ноябрдаги 694-сонли қарори таҳририда — Конунчилик маълумотлари миллий базаси, 20.11.2021 й., 09/21/694/1075-сон)

(Конун хужжатлари маълумотлари миллий базаси, 24.03.2020 й., 09/20/176/0358-сон, 17.04.2020 й., 09/20/234/0453-сон; Конунчилик маълумотлари миллий базаси, 20.11.2021 й., 09/21/694/1075-сон)